

UNIVERZITET U SARAJEVU
FILOZOFSKI FAKULTET

Na osnovu članova 79. i 83. Zakona o visokom obrazovanju ("Službene novine Kantona Sarajevo" broj: 33/17.), člana 135. Statuta Univerziteta u Sarajevu, člana 63. Pravila Filozofskog fakulteta Univerziteta u Sarajevu - Prečišćeni tekst, člana 23., 24. i 25. Pravila studiranja za treći (III) ciklus studija na Univerzitetu u Sarajevu, Odluke Senata Univerziteta o saglasnosti za otvaranje trećeg ciklusa studija iz književnosti "Književnost i kultura" broj: 01-38-1673/13 od 24. 04. 2013. godine, Prijedloga odluke Vijeća Filozofskog Fakulteta broj: 03-09/38 od 22. 2. 2018. godine, Odluke Senata Univerziteta o saglasnosti na raspisivanje konkursa za upis studenata trećeg ciklusa studija – doktorski studij iz književnosti „Književnost i kultura“ u studijskoj 2018/2019. godini broj: 01-320/18 od 28. 3. 2018. godine i Prethodne saglasnosti Ministarstva za obrazovanje, nauku i mlade Kantona Sarajevo na raspisivanje konkursa za upis studenata trećeg ciklusa studija – doktorski studij iz književnosti „Književnost i kultura“ u studijskoj 2018/2019. godini broj: 11/05-38-18430-7/18 od 19. 6. 2018. godine, Filozofski fakultet Univerziteta u Sarajevu *objavljuje*

KONKURS

za upis studenata TREĆEG CIKLUSA - DOKTORSKI STUDIJ IZ KNJIŽEVNOSTI
„KNJIŽEVNOST I KULTURA“
na Univerzitetu u Sarajevu - Filozofski Fakultet u studijskoj 2018/2019. godini

I

Konkurs/natječaj se raspisuje za upis studenata u treći ciklus studija - doktorski studij koji se organizuje iz književnosti, pod naslovom „Književnost i kultura“

Studij se organizuje u trajanju od tri godine, a njihovim završetkom stiče se naučno zvanje doktor književnih nauka/znanosti - komparativna književnost.

II

Pravo pristupa doktorskom studiju imaju sljedeći kandidati:

1. Kandidati koji su stekli diplomu drugog ciklusa studija i akademsku titulu magistra ili ekvivalenta iz oblasti humanističkih nauka stečenu na Filozofskom fakultetu Univerziteta u Sarajevu.
2. Kandidati koji su stekli diplomu drugog ciklusa studija i akademsku titulu magistra ili ekvivalenta iz oblasti humanističkih nauka na drugoj visokoškolskoj ustanovi u zemlji i inostranstvu.
3. Kandidati koji su stekli naučni stepen magistra iz oblasti humanističkih nauka po ranijem Zakonu o visokom obrazovanju, kojima se priznaje 60 ECTS bodova.
4. Kandidati strani državljani prijavljuju se na konkurs pod istim uslovima kao i državljani Bosne i Hercegovine uz uslov da dostave rješenje o nostrifikaciji.
5. Uslov za upis studija je minimalna prosječna ocjena osam (8) na dodiplomskom i diplomskom studiju, ili njen ekvivalent.
6. Cijena studija za jednu studijsku godinu je 4.000,00 KM.

Uz prijavu na konkurs kandidati su obavezni dostaviti:

1. Biografiju
2. Diplomu o završenom prethodnom obrazovanju (original ili ovjerena fotokopija)
3. Rješenje o nostrifikaciji (original ili ovjerena fotokopija)
4. Uvjerenje o položenim ispitima iz prethodnog studija (original ili ovjerena fotokopija)
5. Izvod iz matične knjige rođenih (original ili ovjerena fotokopija)
6. Uvjerenje o državljanstvu (original ili ovjerena fotokopija)
7. Potvrda ili neki drugi dokaz o poznavanju stranog jezika (original ili ovjerena fotokopija)
8. Uplatnicu od 40 KM u svrhu prijave na konkurs.

III

Nastava za studij će se organizovati ukoliko se na konkurs prijavi najmanje 1 kandidat.

IV

Studij se organizira kao redovni i kao vanredni studij, u zavisnosti od interesa i mogućnosti prijavljenih kandidata.

V

Konkurs ostaje otvoren do 30. 9. 2018. godine.

Prijave dostaviti na adresu: Filozofski fakultet Univerziteta u Sarajevu, ulica Franje Račkog 1, 71000 Sarajevo; Prijave sa naznakom „Prijave za upis na doktorski studij „Književnost i kultura“ u zatvorenoj koverti.

Obrazac prijave može se preuzeti sa WEB adrese Fakulteta www.ff.unsa.ba.

Konkurs za upis na III ciklus studija produžava se do 30. 11. 2018. godine.